





# Акафист

## СВЯТОМУ ВЕЛИКОМУЧЕНИКУ

## Георгию Победоносцу

---

### Кондак 1

Возбранному воеводе и Победоносцу Георгию составим похвалу, яко ходатаю нашему и скорому помощнику: ты же, святей великомучениче, яко имея дерзновение ко Господу, от всяких нас бед свободи, да зовем ти:

Радуйся, Георгие, великий Победоносче.

### Икос 1

Ангелов Творец и всея твари Содетель, явивый тя Церкви Своея веры поборника и за веру непобедимаго страсотерпца, внушает нам за подвиги страданий твоих восхваляти тя, святе Георгие, сице:

Радуйся, до конца Иисуса Сына Божия возлюбивый;

радуйся, за имя Его с любовью душу свою положивый.

Ра́дуйся, испове́днице, от Бо́га призва́нный;  
ра́дуйся, подви́жнице, Бо́жиею благода́тию  
просла́вленный.

Ра́дуйся, А́нгелов сожителю;  
ра́дуйся, проро́ков равносто́ятелю.

Ра́дуйся, Гео́ргие, вели́кий Победоно́сче.

### **Конда́к 2**

Ви́дя гоне́ние нечестивых на христиа́ны, не  
убоя́лся еси́ ко́зни их и мучи́тельства, богому́дре,  
но я́ко до́брый во́ин Христо́в, вся́ своя́ ни́щим  
разда́в, во́лею поте́кл еси́ на сове́т их  
непра́ведный, Христу́ вождю́ и Бо́гу своему́ поя́:  
Аллилу́иа.

### **И́кос 2**

Разу́мно уразуме́в Еди́наго Бо́га, в Три́ех  
Ипоста́сах боголе́пно покланя́емаго, тве́рдым  
умо́м испове́дал еси́ Его́ на собо́рици  
нечестивых и та́ко обличи́л еси́ безу́мнаго ца́ря  
безу́мное поклонё́ние тва́ри. Сего́ ра́ди за твоё  
высо́кое любому́дрие приими́ от нас, Гео́ргие,  
усе́рдныя похва́лы:

Ра́дуйся, Еди́наго и́стиннаго Бо́га  
пропове́днице;

ра́дуйся, Пресвяты́я Трѳи́цы вѣрны́й  
защитниче.

Ра́дуйся, вѣлию правосла́внаго исповѣ́дания  
та́йну неvéрным показавый;

ра́дуйся, идо́льскаго служѣ́ния прѣлестъ  
обличивый.

Ра́дуйся, рѣ́торе Бо́жий;

ра́дуйся, ветіе, премудрости исполненный.

Ра́дуйся, Геóргіе, вели́кий Победоно́сче.

### **Конда́к 3**

Си́ла Бо́жия, просвеща́ющая вся́каго  
челове́ка, грядúщаго в ми́р, и в темни́це тя  
стра́ждущаго посети́ла е́сть, смиренномудре  
Геóргіе: поне́же ты́ вся́ житія́ сего́ тленна́я, я́ко  
умѣты презрѣ́в, еди́ному Христу́ прилепи́лся еси́,  
да за и́мя Его́ до́бре во́инствовав, сподоби́шися  
Тому́ со А́нгелы вѣ́чно воспѣ́ати: Аллилу́иа.

### **И́кос 3**

Име́я ум и се́рдце, Ду́хом Святы́м озарѣ́нная,  
ты́ по внуше́нию Его́ поревновал еси́  
подвиза́тися за и́мя Христо́во, до кро́ве стоя́ бо  
му́жественно в вѣ́ре, обличил еси́ вознесѣ́нную  
нечестива́го собори́ща горды́ню. Сего́ ра́ди  
хва́лим тя́, всемудре Геóргіе, си́це:

Ра́дуйся, щі́те, воздві́гнутый на охроне́ние  
благоче́стия;

ра́дуйся, мечу́, подъя́тый на посече́ние  
нече́стия.

Ра́дуйся, сто́лпе ве́ры;

ра́дуйся, стено́ и утвержде́ние Христо́вы  
Церкви.

Ра́дуйся, ве́рных удобре́ние;

ра́дуйся, неверных стра́х и посрамле́ние.

Ра́дуйся, Гео́ргие, вели́кий Победоно́сче.

#### **Конда́к 4**

Безу́мный мучи́тель, ды́шащий на тя́  
уби́йством, страсоте́рпче Гео́ргие, жа́ждал бо  
кро́ве твоея́, я́ко пёс а́лчный, повелева́я распя́ти  
на колесе́ те́ло твоё и зле́йшим му́кам преда́ти;  
ты́ же, возмога́я о Го́споде, с твёрды́м  
упова́нием к Бо́гу взыва́л еси́: Аллилу́иа.

#### **И́кос 4**

Слы́шавше от тебе́ Диоклети́ан и жрецы́  
и́дольстии словеса́ премудро́сти, распыха́хуся на  
тя́ злобо́ю, па́че же егда́ ре́кл еси́: «О царю́  
мучи́телю! Почто́ мя́ все́е истязу́еши? Мне́ бо е́же  
жи́ти, Христо́с, и е́же умре́ти, приобре́тение.

Трудно ти ёсть противу рожна прати». Сего ради мыъ зываем ти, великоимените Георгие, сице:

Радуйся, за мужественное исповедание веры на колесе кровь свою пролиывый;

радуйся, кровию своею торжество веры возвеличивый.

Радуйся, Апостолов соревнителю;

радуйся, вольным Христовым Страстем подражателю.

Радуйся, поборниче веры непоколебимый;

радуйся, страсотерпче, адаманта твердейший.

Радуйся, Георгие, великий Победоносче.

### **Кондак 5**

Боготечней звездё подобен был еси Георгие, чудесным бо от Ангела исцелением и видимым от колеса отрешением научил еси неверных веровати в Троицу Единосущную и Той купно с тобою воспевати: Аллилуиа.

### **Икос 5**

Видеша народи чудеса силы Божией, яве на тебе бываемыя, с кротостию учение Христово от тебе прияша и возопиша, глаголюще: «Войстину

вели́к Бо́г христи́анский!» Сего́ ра́ди и мы́,  
восхваля́я тя́, достосла́вне Гео́ргие, взыва́ем  
си́це:

Ра́дуйся, светно́сным спасе́ния сло́вом тьму́  
неве́рия разгна́вый;

ра́дуйся, му́ченическим ве́ры испове́данием  
неве́рныя ко Христу́ обративый.

Ра́дуйся, легио́ны во́инов земных в небе́сное  
во́инство предводя́й;

ра́дуйся, я́ко во́ин Христо́в с небе́сными во́и  
пребыва́яй.

Ра́дуйся, ратобо́рцев сла́во;

ра́дуйся, пресве́тлаго му́ченическаго ли́ка  
красото́.

Ра́дуйся, Гео́ргие, вели́кий Победоно́сче.

### **Конда́к 6**

Пропове́дником и́стины, духоно́сным  
Апо́столом поревнова́в, кресто́м ми́ру распя́лся  
еси́, страсоте́рпче; се́ бо, я́ко Ио́на во чре́во  
ки́тово, в пе́щь нерастворе́нныя и́звести  
стремгла́в вве́ржен бы́л еси́, да просла́вится тебе́  
ра́ди дивный во святы́х Госпо́дь, Ему́же ты́ и в  
ро́ве и́звестнем, я́ко во хра́ме сла́вы, умно  
взыва́л еси́: Аллилу́иа.

## И́кос 6

Возсия́вый в тридне́внем Своём от гроба́  
воста́нии всеси́льный а́да и сме́рти Победите́ль  
Иису́с спасе́ тя от а́дова ислéния, страстоте́рпче  
Геор́гие: по триех́ бо дне́х обрето́ша тя в и́звести  
жи́ва и в воздея́нии ру́к пою́ща Бо́га; сего́ ра́ди  
вельми́ пристра́шни бы́ша и ужасо́шася. Мы́ же,  
ра́дующеся, воспису́ем ти́ побéдную пéснь:

Ра́дуйся, позóрным в и́звестный рóв  
низверже́нием, вознесе́нную диа́вола горды́ню  
низложи́вый;

ра́дуйся, дивным от Бо́га спасе́нием зве́рство  
мучите́лей победивый.

Ра́дуйся, я́ко незло́бив сый, за творивших ти́  
напа́сть моли́лся еси́, я́ко за благотво́рцев;

ра́дуйся, я́ко о обра́щении их, я́ко же Па́вел о  
евре́ех, болезновал еси́.

Ра́дуйся, му́жу желáний;

ра́дуйся, сосу́де избра́нный.

Ра́дуйся, Геор́гие, вели́кий Победоно́сче.

## Конда́к 7

Хотя́й вся́чески улови́ти се́рдце твоё́ к  
пре́лести и́дол, нечестивый мучи́тель умышля́ет

прельстѣти тѣ волшебными чарованіи; ты же, богоизбранне, с Давидом восклицая: «О Бо́же спасение мое́ и сла́ва моя́», ве́рно Тому́ пѣл еси́: Аллилу́иа.

## И́кос 7

Но́вое показа́ зло́ лука́вый о́ный сатаны́ служитель Диоклетіан, егда́ в безу́мной своѣй ко́идолом ре́вности повеле́ напои́ти тѣ, Гео́ргие, я́дом; ты же испо́лнен сѣй ве́ры и упова́ния, а́ще и сме́ртное испи́л, оба́че без вре́да пребы́л еси́, богохва́льне, те́мже и мы́ вопи́ем ти́:

Ра́дуйся, я́ко во упова́нии на Бо́га Жи́ва не посрамѣ́лся еси́;

ра́дуйся, я́ко мучи́теля нивочто́же вмени́л еси́.

Ра́дуйся, бесо́в отгна́телю;

ра́дуйся, волшебны́я ко́зни разруши́телю.

Ра́дуйся, я́ко тобо́ю дивен Бо́г во святы́х Свои́х явля́ется;

ра́дуйся, я́ко тобо́ю благоче́стно і́мя Христо́во прославля́ется.

Ра́дуйся, Гео́ргие, вели́кий Победоно́сче.

## Кондак 8

Странный и страшный совет бысть от некоего волхва нечестивому царю, да повелит ти, в доказательство правости веры Христовой, словом воскресити мертвого; ты же, Георгие, ничтоже сумняся, воспевал еси Тому, Иже несть Бог мертвых, но Бог живых: Аллилуиа.

## Икос 8

Всежеланный и Сладчайший Иисус, Егоже ты всею душею и всем сердцем возлюбил еси, всеблаженне Георгие, слыша теплое веры твоея моление, вскоре повеле по слову твоему воскреснути мертвому, прославления ради Имени Своего и верных утверждения, неверным же и ослепленным на удивление и богопознание. Сего ради по долгу вопием ти:

Радуйся, яко Господь сил дивная на тебе явил есть;

радуйся, яко тобою мертвого от гроба воскресил есть.

Радуйся, ослепленному волхву умное веры прозрение даровавый;

ра́дуйся, мно́гим, Христа́ ра́ди  
пострада́вшим, во свята́я свята́х пу́ть  
показа́вый.

Ра́дуйся, Ри́ма удивле́ние;  
ра́дуйся, христиа́нского ро́да возвыше́ние.  
Ра́дуйся, Гео́ргие, вели́кий Победоно́сче.

### **Конда́к 9**

Вси́ А́нгели восхва́лиша Бо́га, дарова́вшего ти́  
таково́е му́жество, Гео́ргие, я́ко и в темни́чном  
заточе́нии не престава́л еси́ моли́твенно  
бо́дрствовать. Сего́ ра́ди, я́ко вели́кий тайнник  
Бо́жия благода́ти, удосто́ился еси́ ви́дети в  
виде́нии Го́спода, венце́м нетле́ния главу́ твою́  
венча́юща, да и мы́ с тобо́ю вопие́м: Аллилу́иа.

### **И́кос 9**

Вети́и многовеща́ннии ри́торскими сво́ими  
язы́ки не возмо́гут изре́щи тебе́ досто́йныя  
хва́лы, Гео́ргие, мно́гих ра́ди твои́х подвиго́в и  
боле́зней, ихже за Христа́ и Це́рковь подъя́л еси́  
во́лею. Сего́ ра́ди и мы́, недоуме́я восхваля́ти тя́  
по досто́янию, воспева́ем си́це:

Ра́дуйся, во́льным за Христа́ и Це́рковь  
страда́нием ве́тхаго в себе́ Ада́ма распя́вый;

ра́дуйся, за до́блестное страда́ние вене́ц  
пра́вды от руки́ Госпо́дней прия́вый.

Ра́дуйся, пра́вило ре́вности благо́честивыя;  
ра́дуйся, о́бразе нищеты́ духо́вныя.

Ра́дуйся, я́ко не себѣ, но Еди́ному Бо́гу до́бре  
угодил еси́;

ра́дуйся, я́ко за Христа́ на многообразныя  
сме́рти гото́в бы́л еси́.

Ра́дуйся, Гео́ргие, вели́кий Победоно́сче.

### **Конда́к 10**

Спасти́ хотя́ ду́ши во тьме́ идоло́служе́ния  
погиба́ющих, боголю́бче Гео́ргие, ты́, ревну́я,  
поревнова́л еси́, я́ко Илия́ по Бо́зе: вше́д бо во  
хра́м идо́льский, си́лою Бо́жиею разгна́л еси́  
бе́сы, сокруши́л идо́лы, посра́мил жре́цы и, я́ко  
победи́тель, не с челове́ки, но со А́нгелы пѣл еси́  
Бо́гу: Аллилу́иа.

### **И́кос 10**

Стены́ безчу́вственнее окаменѣ́нный се́рдцем  
мучи́тель тво́й, Гео́ргие, не уразуме́ Бо́га, я́ве  
тобо́ю чудоде́йствующа, но до конца́ пребы́л еси́,  
я́ко а́спид, затыка́яй у́ши свои́. Сего́ ра́ди повеле́  
усещи́ тя́ на позори́щи во главу́, я́ко злоде́я; ты́  
же, боле́знуя о поги́бели ду́ши его́, ра́достно

прия́л еси́ кончи́ну, за ню́же мы́ тя ублажа́ем  
любо́вию си́це:

Ра́дуйся, ве́ру, наде́жду и любы́ до конца́  
сохрани́вый;

ра́дуйся, во успе́нии твоём мно́гия и вели́кия  
чудеса́ сотвори́вый.

Ра́дуйся, ору́жием благоволе́ния Бо́жия  
венча́нный на земли́;

ра́дуйся, сла́вою и велеле́пием украше́нный  
на Небеси́.

Ра́дуйся, челове́че Бо́жий;

ра́дуйся, до́брый во́ине Христо́в.

Ра́дуйся, Гео́ргие, вели́кий Победоно́сче.

### **Конда́к 11**

Пе́ние Пресвяте́й Трои́це па́че иных возда́л  
еси́, святы́й вели́комучени́че Гео́ргие, не сло́вом  
то́чию и умо́м, но живы́м всего́ себя́ в же́ртву  
принесе́нием: подража́я бо распя́тому за ны́  
непорочному́ А́гнцу́ Христу́, положи́л еси́ ду́шу  
свою́ за дру́ги своя́ волею. Те́мже у́бо а́ще и  
недово́льни есмы́ к похва́лению таковы́я твоея́  
до́блести, бо́льше бо сея́ любве́ никто́же има́ть,  
оба́че благодарни́ суще, поём Дивно́му во святы́х  
Бо́гу: Аллилу́иа.

## И́кос 11

Светопріёмный свѣтільник істиннаго Свѣта сущим на землі являеши, богоизбранне Георгіе, просвещаети бо сердца верных и к разуму Божественному вся наставляеши, поучая и нас весело взывати:

Радуйся, яко в пресветлых ангельских чертозех вселяеши;

радуйся, яко не в гадании, но лицем к лицу, Невечерняго Троическаго Свѣта причащаети.

Радуйся, нищих питателю и обидимых защитниче;

радуйся, немощных врачу и царей поборниче.

Радуйся, православным воином во бранех споборниче;

радуйся, о спасении грешников теплый ходатаю.

Радуйся, Георгіе, великий Победоносче.

## Конда́к 12

Благодать, данную ти от Бога, вѣдуще, память твою празднуем, великомучениче Георгіе, и с усердным молением к чудотворному

о́бразу твоему́ притека́юще, твоёю всеси́льною о Го́споде по́мощию, я́ко необори́мою стено́ю, огражда́емся. Сего́ ра́ди восхваля́я тя, усер́дно зове́м Бо́гу: Аллилу́иа.

## И́кос 12

Сла́вную кончи́ну твою́ пою́ще, ёю́же возвели́чился еси́, я́ко до́брый во́ин Христо́в, мо́лим тя, страстоте́рпче Гео́ргие: бу́ди на́м во все́м ко бла́гу помо́щниче и услы́ши ны́, усер́дно взыва́ющих ти́:

Ра́дуйся, я́ко тобо́ю Це́рковь ве́рных просвеща́ется;

ра́дуйся, я́ко и́мя твоё и между́ невер́ными прославля́ется.

Ра́дуйся, дивна́я испове́дников сла́во;

ра́дуйся, висо́кая му́чеников похвало́.

Ра́дуйся, телес на́ших целе́бниче;

ра́дуйся, о душа́х на́ших моли́твенниче.

Ра́дуйся, Гео́ргие, вели́кий Победоно́сче.

## Конда́к 13

О всеблаже́нный и святы́й великому́чениче Гео́ргие, приими́ си́е на́ше хвале́бное пение́ и

избáви нáс от всякаго злá твоим тёплым к Бóгу ходáтайством, да с тобо́ю воспевáем: Аллилу́иа.

*Этот конда́к читается трижды, затем 1-й и́кос и 1-й конда́к.*

### **Моли́тва пёрвая**

Святы́й, сла́вный и всехва́льный великомучени́че Гео́ргие! Собра́ннии в хра́ме твоём и пред ико́ною твоёю свято́ю покланя́ющиеся лю́дие, мо́лим тя́, извёстный желáния нашего́ ходáтаю, моли́ с нáми и о нáс умоля́емаго от Своего́ благоутрóбия Бóга, да мило́стивно услы́шит нáс, прося́щих Его́ благосты́ню, и не оста́вит вся́ нáша ко спасéнию и жити́ю ну́жная проше́ния, и да́рует стране́ нáшей побéду на сопроти́вныя; и па́ки, припада́юще, мо́лим тя́, святы́й Победоно́сче: укрепí данною тебе́ благода́тию во бра́нех правосла́вное во́инство, разруши́ síлы возста́ющих врагов, да посты́дятся и посра́мятся, и дерзость их да сокруши́тся, и да уве́дят, я́ко мы́ имеем Божéственную по́мощь, и все́м, в ско́рби и обстоя́нии су́щим, многомо́щное яви́ своё заступле́ние. Умоли́ Го́спода Бóга, всея́ тва́ри Созда́теля, избáвити нáс от вéчнаго мучéния, да всегда́ прославля́ем

Отца́, и Сы́на, и Свята́го Ду́ха и твоё испове́дуем  
предста́тельство ны́не, и при́сно, и во ве́ки  
векóв. Ами́нь.

### **Моли́тва второ́я**

О всехва́льный, святы́й великомучениче и  
чудотворче Гео́ргие! При́зри на ны́ скоро́ю твоёю  
по́мощию и умоли́ Человеколю́бца Бо́га, да не  
осу́дит нас, грёшных, по беззако́нием на́шим, но  
да сотвори́т с на́ми по вели́цей Своёй ми́лости.  
Не презри́ моле́ния на́шего, но испроси́ на́м у  
Христа́ Бо́га на́шего тихое и богоуго́дное жити́е,  
здравие же душе́вное и телёсное, земли́  
плодороди́е и во всём изоби́лие, и да не во зло́  
обрати́м да́руемая на́м тобо́ю от Всеще́драго  
Бо́га, но во сла́ву свята́го И́мени Его́ и в  
прославлéние крёпкаго твоего́ заступле́ния, да  
пода́ст Он стране́ на́шей и все́му боголю́бивому  
во́инству на супоста́ты одоле́ние и да укрепи́т  
непременя́емым ми́ром и благослове́нием.  
Изряднее же да оградит́ нас святы́х А́нгелов  
Свои́х ополче́нием, во е́же изба́виться на́м по  
исходе́ на́шем от жити́я сего́ от ко́зней лука́ваго  
и тяжких возду́шных мыта́рств его́ и  
неосужде́нным предста́ти Престо́лу Го́спода  
сла́вы. Услы́ши нас, страстоте́рпче Христо́в  
Гео́ргие, и моли́ за ны́ непреста́нно

Триипоста́снаго Влады́ку все́х Бо́га, да  
благодáтию Его́ и человеколю́бием, твоёю же  
по́мощию и заступле́нием обря́щем ми́лость со  
А́нгелы и Арха́нгелы и все́ми святы́ми одесну́ю  
Правосúднаго Судии́ стати и Того́ вы́ну сла́вити  
со Отце́м и Святы́м Ду́хом ны́не, и прісно, и во  
ве́ки веко́в. Ами́нь.



**ПОЛНЫЙ  
АКАФИСТНИК  
КАНОНИЧЕСКИЙ**

**АКАФИСТЫ  
КО ГОСПОДУ БОГУ  
ПРЕСВЯТОЙ  
БОГОРОДИЦЕ  
АРХАНГЕЛАМ  
И АНГЕЛАМ**

**І**

**НОВОЕ  
НЕБО**